



西湖志
六

北山分脉城内勝蹟
北山分脉城外勝蹟
浙江勝蹟

ル 5
1097
6

共十六



1097
6



西湖遊覽志第二十卷

北山分脉城內勝蹟

城圍

武林門錢塘門

武林門宋名餘杭門俗稱北關門入門而南有虎
林山土阜陂陀高可三丈廣不滿百步宋楊至
質記云者舊言錢氏有國時此山復在郭外叢
薄蒙密異虎出焉故名虎林吳音承訛轉虎為
武耳葉紹翁四朝志云是山乃謂虎林即靈隱山

錢唐



高叔青師
汝成輯撰
書相因

因避唐諱改爲武蓋山。昔有兩山一爲虎林一爲武林也。樓攻碑云：「道士賦詩云：武林山出武林水，靈應山迺迺。迺迺是此山，亦復用此名。細考其來，真自以從來有龍，必有珠。此雖培樓，千山餘蓋疑此山爲靈隱之餘脉。是又指二山同爲武林矣。淳祐志斷之以爲漢志明載武林山爲武林水所出，決非城內之山。自漢已名武林，亦非避唐諱而爲武蓋。此坡爲城中勝地，或者自寓武林之名于此耳。門東有水門出大河，西河清河之水達于運河，又東宋有天宗水。

門小北門今塞

錢塘門宋時所築。按錢塘記云：防海大塘在縣南一里，郡議曹華信議立此塘以防海水。始開時募有能致一斛土者與錢一千來者雲集，因不復取，皆棄去。而塘成，故改名錢塘。張君房云：杭州武林山在錢唐縣西南，靈隱寺在其上，寺東有水曰龍源，橫過寺前，卽龍溪也。冷泉亭在其上，西有水曰錢源，過橫坑橋入錢湖。錢湖一名金牛湖，一名明聖湖。湖有金牛，遇聖明卽見。萬松嶺下西城第一門曰錢湖門，次北第三門曰

湧金門卽金牛出見之所也第四門曰錢塘門
舊縣解在焉蓋自前古居人築塘以備錢湖之
水故曰錢唐據此則錢唐之名一起於江一起
於湖二說兩義按史記秦始皇過丹陽至錢唐
則秦時已有之非始于華信明矣自漢巴來江
潮爲患築塘捍之今云築塘以備錢湖之水事
無稽證攷之釋文云唐途也錢古錢姓豈秦漢
間有姓錢者居江干或築塘以捍海遂以起名
如富陽孫洲之類是也至于錢塘門名第因錢
唐舊縣治近此門因得名耳非取義于錢湖也

衢巷河橋

入武林門折而東過中正橋又南至觀橋其街之東
爲廣豐廣積二倉橋街仁和倉街普寧坊西爲同德
坊興賢坊報恩坊

中正橋俗稱斜橋自此而南至正陽門爲宋時御
街長一萬三千五百尺舊鋪石板衢從三萬五
千三百有奇咸淳七年安撫潛說友易其闕壞
者凡二萬幅然後經涂九軌砥平矣直至元時
兩岍民居稍稍侵切然綽楔無敢跨街建者
皇明正德已前猶然至嘉靖元年御史何鏡始

西泠志卷之三十一
三十一
爲鄉貢士建坊于吳山坊北自是題名楔綽並
肩而立矣然杭城多火自綽楔誇街而火益熾
以木則易於燎延以石則人憚崩摧莫敢向適
撲救古人旌別宅里之義恐不如是

普寧坊俗稱清遠橋巷其東宋有仁和縣丞廳又
東有太社太稷壇紹興十二年築以春秋二仲
臘前一日祭其禮視皇祇之制壇之北有靈池
一雖旱不竭稍北有天宗鹽庫酒庫市舶務過天
水院橋有六部架閣淳祐倉草料場○天宗庫
貯鹽酒以待宗人之頒給者○六部架閣以貯

六部圖籍案牘者著漢掌故之遺也紹興三年
建○淳祐倉淳祐九年京尹趙與篋建以儲米
之糶于帥司者○草料場受畿內所輸稻麥苴
以給騏驥院良馬院與三衙諸府之馬

同德坊俗稱燈心巷其西爲祥符橋桐樹園新莊
橋橋左右宋有貢院別試所大理寺仁和縣仁
和學豐儲倉軍器所東太乙宮萬壽觀元真觀
晨華館千佛閣安福寺並廢○桐樹園 國初
有鐵作局○貢院宋時三州治貢院在錢唐門
外王家橋以試本州之士漕司貢院在北關門

外以待兩浙寓士及有官人宗女夫等禮部貢院在新莊橋東以待進士紹興十年始定取士之法三年一舉必有手札付考官敦求賢之意自淳熙二年帝作聞喜燕詩賜進士詹駉等遂為令典踵行並刻石院中○別試所以待貢士之避親嫌者其後申監漕選者亦試于此○大理寺舊在錢唐門內紹興二十年以其密邇景靈宮號控鞭撻之聲非所以安神也乃徙於此寺前有清明池○仁和縣吳越時分自錢塘置錢江縣在梅家橋西宋初改仁和紹興三年徙

建於此高宗初入杭州問縣名仁和喜曰此師門名也蓋太祖次陳橋驛從仁和門入以為吉兆故駐蹕之意始定矣○仁和學在縣治之東有文行忠信四齋○豐儲倉景德初賈似道行公田法以此款其租入○軍器所以造御前器械紹興初以內侍提點後改隸工部○東太乙宮紹興間建以祀五幅太乙之神兩廡繪三皇五帝日月星辰祿唐九宮書○每歲四立日祀之四孟三為不為名虎林山在其後圃○萬壽觀紹興間建是為天宮書○奉天寶慶殿奉聖

祖長生殿奉... 祠以下諸帝西
側純福殿奉... 車馬請宮行香
景定間建... 佛閣之東命羽流王之
觀東有回龍橋... 宗景龍二年建
遂名景龍後唐... 武肅王病日禱而
愈改爲錢明宮宋... 改元真觀太中祥
符間改天慶觀天... 王欽若請移天慶于真
聖觀復名元真○... 千佛閣安福寺今廢爲同仁
祠
興將坊以元時真院得名

報恩坊俗稱觀巷有報恩光孝觀舊名開元宮...
泰四年錢王建宋景德四年改景德觀崇寧三
年改崇寧萬壽觀賜田千畝政和二年建徽宗
本命殿紹興七年改報恩廣孝院尋改光孝以
崇奉香火其西宋有惠民西局御厨小營宋之
惠民局有五皆貯藥以待病者
觀橋吳越王建題其... 曰吳越王寶正六年辛卯
四月八日因建錢... 觀造此石橋吳越國王記
觀橋北有普庵院... 元年建觀橋之水自東而
西過青蓮橋祥符... 祈而北合清湖之水

自觀橋而南至衆安橋其街之東爲懷遠坊安國坊

延定坊西爲保和坊純禮坊澄清坊

懷遠坊俗稱軍頭司巷宋時有軍頭司在焉

安國坊與保和坊對仗稱北橋巷宋有文思院吉

祥寺並廢○文思院掌金銀犀玉工巧之制綵

繪裝鈿之飾輿輦注物尺寸之度規鈇鎔鑄鏤

織之法內外所領凡二千餘作○吉祥寺宋乾

德二年睦州刺史薛溫捨宅爲寺治平二年改

廣福南渡初割其兩傍地爲文思院軍頭司而

寺額改吉祥今爲民居蔡端明吉祥寺賞社

對月詩花未全開月未圓看花對月思依然明

知花月無情物若使多情更可憐蘇子瞻簪牡

丹詩人老簪花不自羞花應懶上老人頭醉歸

扶路人爭笑十里珠簾半上鉤又花將落而陳

述古期不至詩今歲東風巧剪裁含情只待使

君來對花無語花應恨直恐明年便不開述古

期明日至因用韻詩繡衣不用剪刀裁國色

初酣卯酒來太守問花名有語爲君零落爲君

開又惜花詩吉祥寺中錦千堆前年賞花真盛

哉道人勸我清明來腰鼓百面如春雷打徹涼

州花自開沙河塘上神花回醉倒不覺吳兒哈
豈知如今雙鬢摧城齒古寺沒蒿萊有僧閉門
手自栽千枝萬葉巧剪裁就中一叢何所似瑪
瑙盤盛金縷盃而我食菜方清齋對花不飲花
應猜夜來雨雹如李梅紅殘綠暗吁可哀跋云
錢唐吉祥寺花爲第一壬子清明賞會最盛金
盤綵籃以獻坐者五十三人夜歸沙河塘上觀
者如山爾後無復繼也今年諸家園圃花亦極
盛而龍興僧房一叢亦奇但衰病牢落無以發
興耳昨日雨雹如此花之存者有幾可惜也又

新刊

冬至遊吉祥寺詩井底微陽迺未回蕭蕭寒雨
濕枯荻何人更似蘇夫子不是花時肯獨來後
十日復至詩東君意淺看寒梅千朵深紅未暇
栽安得道人殷七七不論時節遣花開明年冬
十月寺中牡丹開數朶述古作詩子瞻和云一
朶妖紅翠欲流春光回照雪霜羞化工只欲呈
新巧不放閒花得少休又云當時只道鶴林僊
解遣秋花發杜鵑誰信詩能回造化直教霜枿
放春妍

延定坊舊名清寧坊其東爲度生橋俗稱鵝鴨橋

橋畔宋有春風樓謂之北酒庫

保和坊俗稱磚街巷

純禮坊與延定坊對名後洋街俗稱竹竿巷

澄清坊在衆安橋北塊沿河者

自純禮坊而西其街之南爲井字樓北爲孩兒巷燈籠巷新營街

井字樓宋酒樓也疊構如井故名其西有白澤廟新營街之西元有江淮財賦總管府丞相伯顏祠府地廢爲民居祠地爲按察司馬廐矣

自澄清坊而西轉入興慶坊爲潘閔巷紀家橋

興慶坊舊名前洋街與結縛橋對

潘閔巷宋初處士潘閔所居也閔字道遙錢唐人有詩名語見才情雅致志中巷內有三官宅

紀家橋在按察司右元時改乘驄橋北察院在焉

今之嘉湖道卽其址也其西爲西湖書院 國

初改仁和學天順間學徙而其地併北察院皆爲按察分司及囚舍矣○紀家橋之南爲德化

坊舊稱木子巷有明慶寺千頃廣化院並廢○

明慶寺唐大中二年建有法喜堂明碧軒南宋駐輦遂勅比東京相國寺祈禱雨暘建散聖節

咸在焉嘉熙四年七月理宗幸寺祈雨回鑾撤
蓋甘雨隨注平章喬行簡上詩稱賀上遂書明
慶二字以旌之淳祐六年建法堂上復題爲南
山道場嘉泰三年建御書閣題曰宸奎萬壽之
閣有蘇子瞻書觀音經碑○王介甫法喜堂詩
浮屠之法與世殊洗滌萬事求空虛寸心以此
不掛物一堂收身自有餘堂陰置石雙踞嶮石
根立竹青扶踈一來已覺心膽豁况迺宴坐窮
朝哺初憶幼時勇自許壯大看俗尤崎嶇豐車
肥馬載豪傑少得志願多憂虞始知進退各一

理造次未可分賢愚會將築室返耕釣相與此
處吟江湖又明碧軒詩明碧軒南竹數叢別來
江介幾秋風道人無復人間世嗟我今爲白髮
翁趙忠簡公明慶僧房夜坐詩月明牕竹冷橫
斜坐看風燈落燼花老眼病餘嫌細字枯腸寒
甚怯清茶囊空豈是久爲客夢短其能飛到家
但有流年侵鬢髮蕭蕭蓬葆颯霜華○千頃廣
化院開平元年吳越王建南渡後爲臨安府祝
聖道場僧了性善醫學草書趙閱道題其堂曰
垂慈以著醫績蘇子瞻作草書歌以贈之歌云

物生有象乃有滋夢幻無根成斯須方其夢時
了非無泡影一失俯仰殊清露未晞雪已驅此
滅滅盡乃真吾云如死灰實不枯逢場作戲三
昧俱化身爲醫忘其軀草書雖學聊自娛落筆
已喚周越奴蒼鼠奮鬚飲松腴剡藤王版開雪
膚游龍天飛萬人呼莫作羞澁羊氏姝

自按察司而南至安福橋折而東至八字橋河南爲
通貫坊河北爲豐財坊

豐財坊宋有左藏庫先是韓勣王有賜第二在新
莊橋者獻于朝爲景靈宮在八字橋者獻以爲

左藏庫庫有東西受財賦之入以待邦國之經
費東則帑帛絕袖之屬西則金銀線券絲纒之
屬統于太府寺宋時經費多糜于贍兵西蜀湖
廣江淮之賦類歸四總領所以餉諸屯唯閩浙
所輸歸于左藏而大軍取十之七官禁百司之
祿裁三之值有浩費則天子出中帑封樁以補
所闕 國初以其地賜蔡指揮今半爲官署民
居矣又西爲楊駙馬府卽端孝公主第也駙馬
名鎮方建第時命巨璫董宋臣領之大拓四旁
其最逼近者爲太學生方大猷之居璫意其必

雄據未易與語一日具禮往訪之方延入坐璫
未敢有請方遽云內轄相訪得非以小屋奉上
旨乎璫愕未及對方徐曰內轄以某太學生將
梗化耶便當首獻卽案書契與之璫以契奏理
宗大喜數倍酬之方表謝曰曾天之下莫非王
土一毫以上悉出君恩蓋上用毛詩下用蘇子
表語也理宗又奇之自此擢第登朝旋躋撫仕
矣今其地半爲按察分司

入錢唐門而東折而南爲白龜池鑷子井黑亭子
白龜池在城下袞廣四畝許池底通西湖李鄴侯

所鑿其水自來一不堪汲飲元仇仁近嘗卜居池
上作詩云一琴一鶴小生涯陋巷深居幾歲華
爲愛西湖來卜隱却憐東野又移家荒城雨滑
難騎馬小市天明已賣花阿母抱孫間指點踈
林盡處是棲霞池傍宋有都作院

鑷子井在上方寺南水口在湧金門外
黑亭子舊有水溝透城通柳洲寺

門內舊有景靈宮錢唐縣錢唐學上方寺並廢○
景靈宮本宋韓蘄王世忠宅也紹興十三年建
以奉祖宗衣冠之游蓋潼原廟之遺也宋制太

西湖志卷之二十一
廟以奉神主一歲五饗朔祭而月薦五饗宗室
諸王攝事朔祭月薦則太常寺卿代之景靈宮
以奉朔像歲四孟天子躬祭次日繹祭則后妃
六宮從往帝后忌辰則宰相率百官行香道士
作法事天章諸閣以奉禮像時節朔望帝后生
辰皆編薦之內臣攝事欽先孝思兩殿亦以奉
小像上日焚香太廟之祭以俎豆景靈宮以牙
盤天章諸閣以常饌用家人禮云宮內有崇禋
館命羽流主之蟠槐亭流盃堂四并堂橘園桂
園景靈池以湖水灌之水口在昭慶山門左○

錢唐縣紹興初詔以錢唐仁和比開封祥符縣
選才授任謂之赤縣仁和廼錢唐所分于錢唐
尤重縣前有字民坊淳熙初徙紀家橋

不勝	不勝	不勝	不勝	不勝	不勝	不勝	不勝	不勝	不勝	不勝	不勝	不勝	不勝	不勝	不勝	不勝	不勝	不勝	不勝	不勝	不勝
----	----	----	----	----	----	----	----	----	----	----	----	----	----	----	----	----	----	----	----	----	----

西湖遊覽志第二十一卷

錢唐田 汝成 輯撰

北山分脉城内勝蹟

官署

提刑按察司按察分司 前貢院演武場養濟院

提刑按察司故宋王宅也 紹興三十一年
以王宅為太學宋王宅燬元改為肅監廉訪司

國初改浙東提刑按察司設按察使副使僉事

洪武十七年重定而東近岳王祠西迫北
察院基故軍監司也 茂業障成化二年按察

使戴琪等盡飲... 道南山抵長生街建坊
東曰端本文吏... 曰彌... 西曰澄源西過
長生橋抵城下... 池上曰肅政內有一清樓
梅閣其經歷司昭... 所司獄司皆在司內○元
廉訪副使臧孟... 座石四歲曰淨洗眼睛緊縛
肚皮硬堅春... 梁穿立脚根凡十六字僉事董師
謙爲之贊云這眼睛照膽鏡照見誰窮百姓所
噴誰奸貪佞看不錯定定定秋月明秋水瑩本
無塵洗更淨這肚皮長慈飢衆肥甘我糠糜將
軍腹寬十圍貪以敗脂流膺平生事百甕壘咬

菜根事可爲這春梁鐵鑄成廣平骨汲孺身曾
強項批逆鱗肯折腰揖貴人臺中評謂我傾我
自我卿自卿這脚根如山立立得牢踏得實倅
門裏曳不入正路中拔不出持一定禦衆誅不
退轉堅固力銘贊皆趙孟頫所書刻石尚存
按察分司凡九道曰杭嚴曰金衢曰提學曰水利
曰清軍在八字橋河下宋爲左藏庫楊駙馬第
曰寧紹台曰溫處在總司二門東曰嘉湖曰海
道在二門西以副使僉事分理之各舉其職按
察使不得細制也故布政司署使字而按察司

不署使字者蓋按察者各行其權非若藩省府縣出令止從長官也故分巡之印與堂印分寸相同而因事添設之官又各有欵給關防與印一體官吏臧否皆得舉劾軍民利病皆得條陳風聞言事實封上達不關白于長官其權與御史等正統後憲綱稍易職掌浸弛彈壓藩服之權全歸御史而布政司叅政叅議又立分守之名參伍其事為按察者稍掣肘近年朝議乃令按察之長得署僚佐之考益非設官本意矣校士館舊為三學諸生習射之所嘉靖二十二年

督學桐城阮公鶚改建校士於此

貢院宋時在觀橋西新莊橋東元時在祥符橋洪武初在今府學西即仁和學基也其後人才寔盛又以直隸嘉湖兩府來屬地狹不足以容席舍天順三年徙觀橋之東乃仁和倉舊基也院本宏敞而自嘉靖以來每遇當科之年監臨者遍加營構益以藻彩酷極恢麗有司承奉風旨科擾百端合郡騷動款待儀燕競以豐厚相高名曰作興稍不如意即士謗罷起竊意國初到今徵賢斂才豪傑不應恐不繫于貢院之崇

修禮文之優渥也

演武場在錢唐門內宋時景靈宮及錢唐縣治故基元時改爲教場廣二百一十六丈先是官軍每歲二八月朔日開操五月十一日爲止自宣德正統已來正軍皆充漕役僅以餘丁操備後復以民壯益之

養濟院在觀橋西元時貢院基也洪武五年每縣各置一所八年合建于此收養民間孤老每日月給米三斗柴三十觔冬夏布各一疋小者給三分之一

祠廟

忠佑廟顯忠廟同仁祠

忠佑廟在按察司左宋紹興十三年以岳飛故宅改爲太學學中時時相驚以岳將軍見孝宗朝詔復其官追謚武穆建廟學左曰忠佑淳佑六年改謚忠武已而學中復驚岳將軍降爲土神景定二年從監學之請立爲土神封鄂王改謚忠文廟曰忠顯王之父母妻子下逮將佐皆有命秩祠後有銀瓶娘子并銀瓶娘子者王季女也聞王下獄哀憤骨立歛即闕上書而邏卒嬰

門不能自達遂抱銀瓶投井死王原吉詩云碧
梧月落烏號霜寒泉幽凝金芥床綺疏光流大
星墜夢驚萬里長城亡女烈報父收囹圄匍匐
將身贖無所官家聖明如漢主妾心媿死緹縈
女井臨交衢下通海海枯衢遷井不改銀瓶同
沉意有在萬歲千春露神禾竟今歸來風冷然
思陵無樹容啼鵲先生墓木西湖邊

顯忠廟在長生老人橋西以奉漢大將軍霍光俗
稱霍使君廟相傳吳王孫皓有疾夢神降于庭
自稱霍光求立祠于金山之鹹塘以捍水患祠

立而疾愈晉天福間吳越王立廟于此宋理宗
時賜廟額曰顯忠元延祐間杭城大火郡人於
雲頭見旗幟有霍使君三字火頓息香火益盛
同仁祠在旂符橋畔嘉靖十七年御史周汝昌等
建以奉孫公燧王公守仁胡公世寧燧餘姚人
正德十四年以都御史巡撫江西屬寧庶人反
被執不屈而死亂平贈禮部尚書謚忠烈守仁
餘姚人寧庶人反時以都御史提督南贛汀漳
軍務起兵討平之封新建伯兼南京兵部尚書
世寧仁和人正德十二年為江西按察使疏舉

寧庶人不法事下錦衣獄謫戍遼東亂平起都
御史歷官太子太保兵部尚書諡端敏

道院

開元宮寶極觀天妃宮

開元宮在清湖橋西射圃之北本宋周漢國端孝
公主故第也宮故在泰和坊秘書省之左唐開
元中建後廢宋以火德王東都有開元陽德觀
以奉熒惑寧宗既卽位詔以嘉邸改開元宮建
明離殿以立夏日祀之元以秘書省爲行中書
省至元二十八年大火省宮俱燬因兼宮地作

省今布政司是也住持董得時遂購公主故第
爲宮公主親理宗女傑構緻飾冠于戚里故宮
制爲道院之魁翰林學士虞集爲記至治初燬
粹德真人王壽衍與其徒張伯雨重建揭曼碩
陳旅爲記有堂曰清風曼碩歐陽玄爲記一曰
介春張仲淳爲記時壽衍以高行受知於文宗
故名彥多與之友豐碑偉筆照耀一時今皆什
圯其基半爲射圃矣虞伯生碑銘云於皇聖世
治繇清靜惠宗道家受肇有祠內外相望靡不
寵嘉煌煌我宮殿于東南神明之居在昔前王

泗水志卷五
化家作之中其國都何因何稽曰爲開元厥維
禎符禎符孔明大開元疆神告不誣顧民弗省
歲行六十旣燬而墟除而圖新爰得永宜天人
合謨甲觀風威帝子攸降巍巍渠渠道貴因循
不貴改作昔勛我舒廼像貴神赫如有臨風馭
電車大集于成在今真人克恭璽書恩言雅文
真人用謙爲道光肇自朝旋宮率職替祠恩用
不渝錫福予齡天子不有于民是敷維千萬年
至于億世邈哉永圖敢述聖德刻以貞石武庫
道樞○陳旅碑銘云真人大作開元宮斬木

谷來蔽江命龜置策辰孔滅樹屋吉土祠天
重簷輦轎儀穹窿日月出入牖戶中大靈何樂
家層空老君上邀茲以降僊姝翼輦從豐隆翳
以赤鳳驤青龍立神執兵門兩傍祝融廬宇承
中央共驅畢方歸海東曰惟新宮帝所棕璿宮
回曲蓬渚通珠樹含祥光玲瓏宮殿餐帝朝設
鐘岳牧川后罔不恭真人稽首飛綠章天子萬
年民樂康○揭曼碩碑詩云噫嘻錢唐何王所
基由沐革命播都南陲定鼎臨安協于神龜元
興龍翔大拓疆土四海八荒咸覲其王噫嘻錢

唐故宮禾黍帝子之居是爲開元以棲百神踰
三紀年神弗顧依將事吉蠲回風却掃馮怒焚
感宣陰導陽去穢除慝以來清風以專靜嘿革
故者天鼎新者人矧我真人皇人之真亦曰多
才能事鬼神身爲玄師行仁有勇一倡百和風
起水涌神宮告新曾不旋踵眇眇樓觀仡仡垣
墉儼乎天人象帝之宮風馭飈輪於焉從容薦
我明馨考我鐘鼓於皇萬年受天之祜碑詩揚
休石以求固○鄧善之題開元宮圖詩云西湖
春動風泠泠歛忽鼓瑟窺湘靈天君要眇降雲

輶椒堂桂棟羅芳馨春城日逝崦嵫暮幽夢重
門鎖花霧玉簫聲沉鳳飛去迸入秋風五陵樹
至人高懷視雲浮昔者金屋今丹丘白鶴來下
明月樓知有玉喬飛鳥游仙人好幻多戲劇海
變桑田蓮變碧首靈呵護融風息依舊瓊臺絳
宇炫耀雲林色○揭曼碩開元宮圖詩香臺遙
對紫皇家陰洞潛迴七寶車景氣未收春夢斷
新宮月冷誦南華○馬祖常開元宮圖詩江畔
沙痕認夜潮湖邊山色識前朝卷衣天上吹簫
女不怨宮隨野火燒○黃潛題開元宮圖詩誰

使藏舟一夜移紅樓翠幕未全非曾聞帝子乘
鸞去疑有僊人化鶴歸烟溼月明瑤草歇石壇
露冷碧桃稀赤欄橋畔多時立閒看楊花作雪
飛

寶極觀在報恩坊內舊玄元庵元延祐五年道士
章無為建 皇明永樂間道士周思得者仁和
人操行雅潔精五雷法 成祖聞其名召試稱
旨建天將廟居之扈從北征累著功績 仁宗
建玉虛延恩殿 宣宗建彌羅寶閣崇玄演法
殿改廟額為大德觀 英宗建紫極殿寵遇優

京泰初歸老故庵甘茹淡澹其門人以法顯
者殆百餘人其時有異人號赤脚張亦寓觀中
與思得友善成化間其徒昌道亨得寵 憲宗
詔徙玄元庵于思得墓左而改其故居為寶極
觀

天妃宮在孩兒巷北以祀水神洪武初建神號不
見經史竊意宇宙間至尊者天有帝象焉地為
之配有后象焉其次水為大有妃象焉故崇其
號曰天妃而軍營漕運之所江海河漢之濱悉
崇奉之

佛刹

壽聖寺青蓮寺祥符寺興福寺淨住寺法輪寺天長淨心寺聖壽寺菩提寺妙心寺

壽聖寺在虎林山上舊名長壽在東青門外永樂十三年為潮水所侵徙建今所得廢聖壽院故址遂以名焉內有大井合抱銀杏皆宋物也而殘碑斷碣傾仆草中磨滅不可讀矣俗稱祖山寺

青蓮寺在車橋北宋隆德間錢氏建祥符中改淨戒院先是宋元豐中吳處厚以皇嗣未立上書

乞立程嬰公孫杵臼廟詔封嬰為成信侯杵臼為忠智侯廟食于絳後又以韓厥存趙孤三人皆以春秋祠于祚德廟紹興二十年建祚德廟于院內以春秋二仲祭之至正末張氏據聖壽青蓮二寺為府而廟亦廢按春秋于魯成公八年書晉殺趙盾趙括于十年書晉景公卒相去二年而史記乃有屠岸賈欲滅趙氏程嬰公孫杵臼共匿趙孤十五年景公復立趙武之說以年世考之則自同括死後景公又卒厲公立八年而殺悼公立又五年矣其乖妄如是嬰杵白

之事乃戰國俠士刺客所為春秋時風俗恐未
有此也

祥符寺在祥符橋畔梁大同二年邑人鮑侃捨宅
為寺舊名發心唐貞觀中改衆善神龍初改中
興後改龍興宋真宗時改大中祥符其廣九里
子院有千佛閣諸天閣戒壇院院內有鐵塔一
石塔四錢王所鑿九十九眼井金人南寇燬于
兵南渡初斥為軍器所元初仍建寺至正末燬
洪武間重建其傍地盡為軍民之居○蘇子瞻
祥符寺上元觀燈詩紗籠擎燭近門入銀葉燒

香見客邀金鼎轉丹光吐夜王珠穿蟻鬧連朝
波翻焰裏元和激魚舞湯中不畏焦明日酒醒
空想像清吟常逐夢魂飄曾子固詩月明如晝
露華濃錦帳明郎笑語同金地夜寒消美酒王
人春困倚東風紅雲燈火浮滄海碧水樓臺浸
遠空白髮蹉跎歡意少強顏猶入少年叢

興福寺在斜橋南宋紹興丁卯左丞薛昂以花藥
園施僧慧觀築庵名曰擇勝尋建佛刹請龍山
廢興福院額表之 國初定為叢林

淨住寺在觀橋之西北報恩坊內梁武帝時建舊

名慈光錢氏時改今額紹興間以其地為貢院
于是寺分為三元末燬洪武初歸併興福

法輪寺在觀橋南五代長興中龜洽師建於城東
湯鎮額曰觀音後改安國宋大中祥符間改法
輪洪武間立為叢林永樂十八年潮嚙殿基僧
至恂改建于此

天長淨心寺在後洋巷晉大福四年錢氏建南渡
後析其地為軍寨咸淳元年興復元季燬景泰
間重建聶大年送僧日福聽講還山詩云歸去
深居遠俗譁莫教巢燕汚袈裟從今悟了三生

話高倚瓊臺看雨花○寺內有龍華寶閣宋理
宗時捲簾使許禎建宋亡禎挈二子居之學佛
自晦名出塵庵元延祐元年有僧講法華經天
花紛降遂名龍華其時寶閣穹壯冠絕郡城○
九曲法濟院宋乾德元年錢氏建于錢唐門外
元末移建于此今併天長寺

聖壽寺即永福寺在後洋街宋嘉定元年永明建
淳祐間賜額永福以奉秀王香火元至元燬洪
武初善祥重建宣德十年賜額聖壽

菩提寺在潘園巷舊在錢唐門外宋太平興國錢

惟演捨宅建建炎間燬紹興間重建有南漪迎薰二堂元末燬尋以築城建寺今所未樂間寺僧守公被召修大典智淳修戒律別原修藏典約宗亦以高行被召四代入覲亦禪門之榮遇也

妙心寺在湧金門內舊在西湖行春橋南元至正間徙今所今改使館

西湖遊覽志第二十一卷終

西湖遊覽志第二十二卷

錢唐田 汝成 輯撰

北山分脉城外勝蹟

衢巷河橋

出武林門而北爲崇福橋霍山坊餘杭橋巷新橋巷半道紅清湖三閘周公泉枯樹灣夾城巷左家橋米市巷漁塘巷碧沼草營巷歸錦橋江漲橋通市橋北新橋

崇福橋在吳山驛前

霍山坊過新河橋路入西山橋下爲新河坊口乃

張士誠所開者舊有廣惠廟宋康定元年建以
祀廣德王張渤者遞代褒封二月八日傾城士
女集焉周公謹云余世祀祠山張王動止必禱
應如著龜先子需澄江次爲有力者攘去先妣
時留雲禱于南關之祠山有水邊消息的非遙
之語先君霍山所祈亦得此籤越日臨江之命
下矣戊辰年鑄子甫五歲病骨蒸勢殆甚凡藥
皆弗効禱籤得蠱之上九云蠱有三頭紛紛擾
擾如虫在血執一則了退謀之醫試投逐蟲之
劑凡去蛇蚶三其色如丹即日良愈甲寅春往

桐川炷香得籤云不堪疾病及東床是歲外舅
捐館壬午五月二十八日杭賊金波橋馮氏火
作次日勢亦張雖相去幾十里而人情遑遑不
自安時楊大方潘夢得皆同居相慰巫言神語
皆吉因卜去就于神得五十六籤云遭人彈劾
失官資火欲相焚盜欲窺于是挈家湖濱是夕
四鼓成焦土

餘杭橋宋端平二年建東通猪圈壩其時有北郭
稅務

新橋巷東通陸家場

半道紅相傳舊時夾路栽桃花故名俗訛為半塘

洪

清湖上中下三閘洩城中諸河之水自東而北轉

達東新橋德勝壩為下塘河

周公泉又名北牖泉在下閘基

枯樹灣東通德勝橋舊名堰橋宋韓世忠掩擊叛

賊苗劉于此故郡人稱為德勝橋

夾城巷東通遞運所四達之衢市廛殷阜肩摩踵

接第夾城名義不知何所取也故老皆言元有

總兵楊完者與張十誠築壘相拒此其遺基然

當錢氏築城時云自秦望山由夾城東亘江干

洎錢唐湖凡七十里則夾城之名唐末五代已

有之似非起于楊完者也豈以其近傍羅城若

杜詩所稱花萼夾城通御氣之談歟 國初有

為夾城八景卷者各流題詠甚多今掇其著者

一曰夾城夜月王洪十筭子詞孤月泛江秋露

下高城靜期看佳人夜不來坐轉梧桐影吹徹

紫鸞笙響篆烟消鼎桂子飄香了廣寒銀漢雙

星耿聶大年臨江僊詞萬里碧霄雲散盡長天

孤月流輝感心空宿露聲稀試登高處望露濕

五銖衣不允遼東華表鶴人民昔是今非驚鳥
三匝正南飛銀河風露冷騎得綵鸞歸○二日
陡門春漲土洪詞驚雪噴高畦雷響青天曉剛
道吳胥駕海來勢壓滄溟小兩岍走漁舟發亂
飛春鳥誰信神魚去不留五色祥雲繞聶大年
詞西北關城如鐵甕夜來春漲崩奔驚濤拍岍
撼崑崙桃花三汲浪何處覓儂源彷彿鳴夷乘
白馬潮頭日落雲昏瀆祇川后亦銷魂琴高騎
赤鯉隨水到龍門○三日半道春紅王洪詞宿
雨漲春流曉日紅千樹幾度尋芳載酒來自與

春風遇弱水與梔源有跡從教去不見西湖柳
萬絲蒲地飛風絮聶大年詞記得武林門外路
雨餘芳草蒙茸杏花深巷酒旗風紫騮嘶過處
隨意數殘紅有約玉人同載酒夕陽歸路西東
舞衫歌扇繡簾籠昔遊成一夢試問賣花翁○
四日西山晚翠王洪詞斜日照疎簾雨歇青山
暮白鳥鳴邊一半開香靄和烟度樓上見平湖
影隔青林霧吹斷鷺鷥魚未開月照芙蓉露聶
大年詞一林斜陽暎遠樹分明翠斂西山蒼蒼
松檜鎖禪關疎鐘殘磬君憇嘉心知還谷口樵

蘇歸路晚六橋流小 潺湲行人指點有無間
天風吹散盡露出豹文斑○五日花園啼鶯聒
大年詞方圃萬花園繞遍軟紅晴點香泥金衣
公子柳邊迷爲憐春色好終日往來啼記得早
朝花底散金河草○萋萋數聲只在御河西東
風回首處香霧滿長堤○六日阜亭積雪聒大
年詞昨日孤峰如潑翠今朝玉去噴瓏瑤林琪
樹間琅玕蓬萊塵世隔弱水竟漫漫玉宇岩巖
千仞表羣僂飛珮驟鸞不知何處倚闌干洞簫
吹一曲鶴聲不勝寒○七日江橋暮雨聒大年

詞一葉浚舟吞暮景夜來江漲平橋叢葭兩岫
響蕭蕭水村烟郭外隱隱見歸樵鴻鴈欲歸愁
翅濕誰憐萬里雲霄空濛山色望中遙鐘聲何
處寺白鳥沒林腰○八日白蕩烟村聒大年詞
北郭秋風禾黍熟牛羊晚下平田一村桑柘起
寒烟田翁邀社飲擊鼓更燒錢處處鷄豚泥飲
罷瓦盆濁酒如泉往來東陌與西阡誰言淳朴
俗自有一山川

左家橋北宋有春融樓謂之北外庫
米市巷宋時舊名也其東爲寶慶橋舊名黑橋洪

武初建

漁塘巷自霍山坊而下有上下陡門洩清湖水
由漁塘巷入西為范婆橋橋下為清水潭潭西
為聖佛橋西南通水磨頭望佛橋西其土神曰
左相公廟廟後為福昌巷巷西行為白蕩夾城
八景所謂白蕩烟村者是也又西為古蕩
碧沼在湖墅西左八郎祠前池廣三畝水極清冽
俗稱清水潭

歸錦橋俗稱賣魚橋自此而上至左家橋夾城巷
皆稱湖墅俗訛為湖州市

江漲橋在歸錦橋北元末開河構木而渡宣德間
僧覺澈改建石橋嘉靖間圯今復建

通市橋在江漲橋南宣德間僧覺澈建

北新橋在香積寺北宋紹興間建名中興永安橋
元末圯洪武初重建

出錢唐門而西為東西馬塍羊角墘

東西馬塍在溜水橋北以河分界並河而東抵北
關外為東馬塍河之西上泥橋下泥橋至西隱
橋為西馬塍錢王時畜馬於此至三萬餘匹號
曰海馬故以名塍或曰馬姓二人東西居共為

西泠志卷三十一
園田之勝非也土細敏樹杭城四時花卉于此
出焉今名南花園北去十餘里爲板橋今名北
花園元羽士張伯雨結廬馬勝陳旅記之其略
曰錢唐邑屋叢輳數十里至爲重樓以居委巷
若闕市人氣滄鬱爲滄霧城西山水清曠而笙
歌粉黛上下無空日夫杭東南與區芬華之所
族而幽靜者之所處也城北有村曰馬勝居民
多業藝花土沃俗質聚近而遠至元間句曲
外史來棲焉爲閣四楹桂卉叢植旁有長松數
十章落落如女向人湖上之山騰伏閣外蓋得冲

覽之會者外史舊有茵閣在金茵山吳興趙文
敏公篆榜極古茲復以真蹟署新閣意扁舟往
來所志在茵山也○葉水心同趙振文遊馬勝
詩馬勝東西花十里錦雲繡霧參差起長安大
車喧廣陌問以馬勝云未識茶蘼縛籬金沙墻
薜荔樓閣山茶房高花何啻千金直着價不到
宜深藏青鞋翩翩鳥鶴袖嚴房引前金蔣後隨
緣摘蕘煎冬酥小分移床獻春酒陳通苗傳昔
弄兵此地寂寞狐狸行聖人有道賁草木我輩
栽花樂太平知君已在茗水住盡日櫓聲搖上

渚無際滄波蓼自分有情綠浦鷗偏聚追逐風
光天漫許拋擲身世人應怒君不見南宮載寶
回何如趙子穿花去○趙振文和詩云昔年家
住長安里春風盡日風塵起紛紛車馬過綺陌
買花人多少人識王侯第宅連苑牆粲若瓊蕊
敷丹房花窠近取馬勝本曲闌高檻迷深藏主
權對客小舉袖擊鼓吹簫滿前後珍珠一斛聘
國姝琥珀千盃酌天酒幾年農器不鑄兵雨畊
雲獲歌且行種花土艘無水旱園稅十倍田租
平拏舟來近菰蒲住演漾迴溪通在渚霜晴沙

淺橘林明日暮水渾魚網聚東門故侯應自許
灞陵醉尉寧須怒何須學稼隨老農荷鋤驅犢
田中去○張伯雨自詠馬勝新居詩云浮家泛
宅意何如王室金堂計未踈歸錦橋邊停舫子
散花灘上作樓居澹然到處自鑿井玄晏閉門
方著書但得草堂背便是人間何地不樵漁○
張仲舉題張外史馬勝新居詩云窈窕丹房古
澗阿長松脩竹繞層坡桃園隱者時相遇茆洞
僊人夜或過沆瀣盃寒供曉食青冥笙響答空
歌白雲浮出地痕蒲知是龍泓宿雨多○薩天

西湖志卷三十一
錫宿張外史馬厓新居詩云竹樹忽聞乾鵲噪
明朝歸去候新晴小樓無處着秋意暗雨空山
如海聲葉落牕虛聞鶴步峰回路轉斷人行誰
知昨夜玄洲客剪燭談詩到二更

羊角埂自溜水橋北柴場至乳臺渡口延袤十餘
里介東西馬厓之間其形彎曲如羊角然

西湖遊覽志第二十二卷終

西湖遊覽志第二十二卷

錢唐田 汝成 輯撰

北山分脉城外勝蹟

官署

南京戶部分司江漲稅課司吳山驛遞運所德勝壩
猪圈壩

南京戶部分司在江漲橋北掌權商稅 國初差
御史監生開辦課程或戶部官監收船鈔未有
定置景泰元年差戶部主事于蘇杭二府專掌
之始建鈔關於此六年罷主事歲委府官收鈔

成化四年罷鈔關七年復鈔關弘治六年命于
南京戶部差官遂為定例

江漲稅課司在霍山坊原在北關駐節基洪武二
十五年移建于此

吳山驛在武林門外洪武七年建曰杭州驛九年
改吳山驛其西有駐節廳洪武二十五年建
遞運所在夾城原在城內洪河橋洪武七年徙建
于此

德勝壩在武林門外東洪武五年建
猪圈壩在武林門外東洪武三年建

祠廟

社稷壇郡屬壇

社稷壇在錢唐門外西北宋太乙宮故基也宋時
在嘉會門外元時改錢湖門外洪武三年徙建
今所

郡厲壇在錢唐門外洪武三年建以祀鬼之無歸
者以清明日七月十五日十月初一日致祭
道院

石姥廟五界廟印侯廟三公廟

石姥廟在德勝壩其神石塊當唐長慶間江濤為

患神竭家皆築堤得之竟死于事屢見靈異守

臣上之咸通中到潮上故俗稱潮王廟

五界廟在歸錦橋西洪武三年建

印侯廟在觀音橋西廟後有印墓

晏公廟在夾城寓崇果寺內周顯德二年吳越王

建舊名羅漢院宋治平中改額崇果洪武初改

奉晏公相傳為水神也故軍營漕運之所往往

立廟

佛刹

香積寺昭化寺妙行寺法雲寺定光寺化度寺廣教

寺真如寺顯教寺覺圓寺普明寺西隱寺豐樂寺永慶寺

香積寺在江漲橋北宋太平興國三年柯氏捨宅

為寺舊名興福大中祥符間賜額香積門臨官

河帆檣往來者日百千計秉燭猶喧一逕蛇行

茂林蔭密隱然城市異數也

昭化寺在德勝壩周顯德間吳越王建宋大中祥

符改今額永樂九年燬踰年重建

妙行寺在夾城巷宋徽宗時有僧思淨者姓喻畫

佛甚妙人稱喻彌陀遂棄家學佛捨宅為寺以

接待雲水二十年間往來者三百萬衆故俗稱
接待寺方臘之亂思淨詣賊乞以一身代一城
之命賊爲稍戢元季燬宣德二年重建寺南爲
望佛橋聶大年詩妙行禪寺夾城隈穀雨乾時
偶獨來一榻白雲松子落蒲團黃蝶菜花開閑
看物態陰晴變老被鐘聲日暮催客有可人期
不至步隨斜日下蒼苔

法雲寺在草營巷晉天福五年吳越王建元至正
末燬永樂丙申重建有愚蒙極和尚塔在寺之
右蒙極洪武間名僧

定光寺在清湖中間巷晉天福四年吳越王建元
末燬洪武五年重建

化度寺在江漲橋梁天監間朱异捨宅爲寺名衆
安隋改衆善唐改重雲再改承雲宋治平二年
改今額旁有崇善王廟元至元間燬至正間僧
若金復建

廣教寺在北新橋東晉天福中吳越王建舊名傾
心宋大中祥符間改今額慶元六年密印法師
重修元末燬洪武四年僧智海重建

真如寺在江漲橋東末韓蘄王捨宅爲寺構重閣

安奉金書大品般若經智度論于其上元至正
二年燬洪武十五年重建

顯教寺在武林門外舊為華嚴庵宋紹興三十三年建乾道五年移請今額後徙在城金剛嶺嘉熙間燬寶祐年間徙今所元末燬洪武初重建覺圓寺在武林門外五里皇慶元年僧慈濟建元末燬洪武十年重建今併昭化寺

普明寺去西湖可四里許在西馬塍宋紹熙元年建庵曰普明治鐵為佛嘉定十三年請額得古廢寺普明之額偶與庵同遂移賜之改庵為院

元末張士誠據為敵壘毀佛為軍器院廢

四年僧宗浩重建天順二年請賜舊額甬東徐恕記俗猶稱鐵佛寺

西隱寺在西馬塍烏盆橋畔宋乾德元年建舊有
福壽寺在望佛橋西南俗稱東隱寺烏盆橋一名富春橋

豐樂寺在西馬塍宋乾德六年僧雪嚴建名歲豐禪院治平二年改寶覺豐樂寺

永慶寺在西馬塍清泰二年吳越王建名湧泉院宋治平三年改額泉從石罅滾出折入黃山橋

河味極清高宗愛之嘗取以瀹茗

西湖遊覽志第二十四卷

錢唐田汝成輯撰

浙江勝蹟

浙江

浙江在郡城之東南登西湖諸山則大畧可瞰其源發自徽州曲折而東以入于海故名浙江亦曰浙河其潮晝夜再上諸家立說不同宋時郡志載姚寬西溪殘語及徐叔明高麗錄二篇大抵皆云潮隨日而應月依陰而附陽元時裴伯宣作浙江潮候圖說又隳括其詞更加明爽其

說曰大江而東凡水之入于海者無不通潮而
浙江之潮獨為天下奇觀地勢然也浙江之口
有兩山焉其南曰龕山其北曰赭山並峙于江
海之會謂之海門下有沙渚跨江西東三百餘
里若伏檻然潮之入于浙江也發乎浩渺之區
而頓就斂束逼礙沙渚回薄激射折而趨于兩
山之間杓怒不洩則奮而上躋如素虬橫空奔
雷殷地觀者膽掉涉者心悸故為東南之至險
非他江之可同也原其消長之故者曰天河激
涌曰地機翁張歿其息夕之候者曰依陰而附

陽曰隨日而應月地志濤經言殊旨異胡可得
而一哉蓋圓則之運大氣舉之方儀之靜大水
承之氣有升降地有浮沉而潮汐生焉日有盈
虛潮有起伏故盈于朔望虛于兩弦息于朏朧
消于朏魄而大小準焉月為陰精水之所在日
為陽宗陰之所從故晝潮之期日常加子夜潮
之候月必在午而晷刻定焉卯酉之月陰陽之
交故潮大于餘月大梁析水河漢之津也朔望
之後天地之變故潮大于餘日寒暑之大建丑
未也一晦一明再潮再汐一朔一望再虛再盈

天一地二之道也月經于上水緯于下進退消
長相爲生成曆數可推毫釐不爽斯天地之至
信幽贊于神明而古今不易者也杭之爲郡枕
帶江海遠引甌閩近控吳越商賈之所輻輳舟
航之所駢集則浙江爲要津焉而其行止之淹
速無不畢聽潮汐者或違其大小之信與其緩
急之宜則必至于傾墊底滯故不可以不之謹
也其承乏茲郡屬兵革未弭之秋信使之往來
師旅之進退雖期會紛紜邊陲警急必告之曰
謹候潮汐毋躁進以自危然而跡累肩摩晨馳

夕驚有不能人喻而戶說之者考之郡志得四
時潮候圖簡明可信故爲之說而刻石于浙江
亭之壁間使凡行李之過此者皆得而觀之以
毋蹈夫觸險躁進之害亦庶乎思患而預防之
之意云按桑欽水經云漸江水出三天子都北
過餘杭東入于海酈道元注云浙江一名漸江
水出丹陽黟縣南蠻中又東北經建德州又北
至新城縣東北至富陽縣又東北過錢唐縣此
其說與今水道符合其云東經靈隱山下東合
臨平湖又東經禦兒鄉又中經槎瀆注于海其

說與今不合蓋槎遠近皇了山而海又在其東
南相去甚遠非入海處也豈地勢移易而向之
斥鹵漲成平陸耳其朔書夜再上杭人有爲詩
括之者曰子未未中寅卯卯辰辰巳巳午
午朔望一般輪此晝候也初一日午末初二日
未初十六日如初一夜候則六時對衝子午丑
未之類此亦其大槩耳其交澤起水大小之度
則四時不同春三月初一日十六日午末大夜
子正初二日十七日未初大夜子末初三日十
八日未正大夜丑初初四日十九日未末大夜

丑末初五日二十日申正下岍夜寅初初六日
二十一日寅末漸小晚申末初七日二十二日
卯初漸小晚酉初初八日二十三日卯末漸小
晚酉正初九日二十四日辰初小晚酉末初十
日二十五日辰末交澤晚戌正十一日二十六
日巳初起水夜戌末十二日二十七日巳正漸
大夜亥初十三日二十八日巳末漸大夜亥正
十四日二十九日午初漸大夜亥末十五日三
十日午正極大夜子初秋與春同夏初一日十
六日午末大夜子正初二日十七日未初大夜

子末初三日十八日未正大夜丑初初四日十
九日未末大夜丑正初五日二十日申初下岍
夜丑末初六日二十一日寅初小晚申正初七
日二十二日寅末小晚申末初八日二十三日
卯初小晚酉初初九日二十四日卯末小晚酉
正初十日二十五日辰初交澤晚酉末十一日
二十六日辰末起水夜戌初十二日二十七日
巳初漸大夜戌末十三日二十八日巳末漸大
夜亥初十四日二十九日午初漸大夜亥末十
五日三十日午末大夜子初冬初一日十六日

午末大夜子初初二日十七日未正大夜子末
初三日十八日未末大夜丑初初四日十九日
申初大夜丑末初五日二十日申正下岍夜寅
初初六日二十一日寅末漸小晚申末初七日
二十二日卯初小晚酉初初八日二十三日卯
末小晚酉正初九日二十四日辰初小晚酉末
初十日二十五日辰末交澤夜戌初十一日二
十六日巳初起水夜戌末十二日二十七日巳
正漸大夜戌末十三日二十八日巳末漸大夜
亥初十四日二十九日午初漸大夜亥正十五

日三十日午正漸大夜亥末○元時吳亭壽峯
巖起論潮書云至元十八年秋八月十有八日
足下觀潮浙江亭有詩明日書以遺予若致疑
于逆流之水有可詰者朱子註騷謂潮以月加
子午之時一日而再至則亦未嘗無說敢卽是
試爲足下誦所聞焉蓋坎本月之體月本水之
精月與水一而已矣在天爲月在地爲水天有
陰陽太少而月爲太陰地有剛柔太少而水爲
太柔古人以方諸取水于月其氣類固相感也
而况夫子午之位乃陰陽之始于其所始而月

加焉則陰與陽感而陰以升陰與陰遇而陰以
盛水陰類也當其所加之時湧而逆上從其類
也月一晝夜凡一加午故潮一日再生月一日
退天十三度十九分度之七故潮日遲於一日
所以初三之潮書遲而入十八之夜十八之潮
夜遲而入初三之晝也一月之間生明生魄潮
亦再盛焉生明之潮則自前月二十六長水謂
之起信歷晦朔至月三日謂之大信初四潮勢
漸殺謂之落信歷上弦至月十日謂之小信生
魄之潮則自十一始長歷望至十八而盛自十

九始殺歷下弦二五而衰其起落大小之信亦如之天下之至信者莫如潮生落盛衰各有時刻故潮得以信言也月于一月之間漸遲而縮一日潮于兩信之內漸遲而縮兩潮秋月最明秋潮最盛亦其理然也又嘗考之坎為月魄離為月魂震生明也兌上弦也乾望卦也巽生魄也艮下弦也坤晦卦也生明之盛非無故而盛也坤一索而得長男故盛過兌少而往則衰矣生魄之盛亦非無故而盛也乾一索而得長女故盛過艮少而往則衰矣驗之于月參之于

封潮之理其為庶幾乎或曰誠如是則陽之盛莫如乾陰之盛莫如坤潮不于是焉大而顧大乎震明巽鬼何邪曰茲又先天後天之說也不本諸先天無以見造化之全體不參諸後天無以見造化之妙用先天之卦體也乾坤離坎位于四正震巽艮兌位于四維而月之周天實配之後天之卦用也退乾于西北退坤于西南父母老而不用而長男代父長女代母居東南生長之方天地間萬物萬事咸于此乎權輿故其為氣也莫盛焉而潮之大信實配之月配其體

則陽爲明陰爲鬼而乾坤當墜晦之位乃陰陽之極也潮配其用則長爲盛少爲衰而震巽當大信之候乃陰陽之長也夫如是則其不乾坤而震巽也有由矣或又曰亦何以知其必取于卦耶曰以納甲家起之納甲者如生明之月昏出于庚震則納庚生鬼之月晨見于辛巽則納辛之類是也陰陽者流用之率驗則月與卦相爲用也審矣潮而有取于月也不亦有取于卦乎哉或又曰月之說然邪則潮之爲候亦宜月半以前由微漸大月半以後由大漸微以象夫

三五而盈三五而虧可也今乃于朔鬼之生兩盛焉何哉曰朔鬼之盛固已如前所云然月一月一周天而一日之內則一加子一加午者也潮于月加子午之時一日再至故亦于月生朔鬼之日一月而再盛焉月之一潮之再若不相似而實相感召非深于理者未易以語此或又曰子所論浙江潮也然亦有潮其遲速不同何與曰潮之生必在于日出之海浙江之去海爲近故其至也如時也二所去有遠近故所至有遲速耳或又曰古今言潮者必推浙江亦謂

銀山雪屋有頤文此爲異爾他江之潮第如湧水復與此不同何與曰浙江去潮生處近掀天沃日之勢方盛而不可遏赭山龕山橫鎖江口頓然歛寬就窄其勢必至于衝激奔射也他江去潮生處遠遠則必殺故但湧水而已又何疑焉○白樂天看潮詩早潮纔落晚潮來一月周流六十回不獨光陰朝復暮杭州老去被潮催○楊巨源送章孝標歸杭詩曾過靈隱江邊寺獨宿東樓看海門潮色銀河鋪碧落日光金杜出紅盆○羅隱江潮詩怒聲洶洶勢悠悠羅

刹江邊地欲浮謾道往來存大信也知翻覆向平流任拋巨浸疑無地猛過西陵只有頭至竟朝昏誰主宰好騎赤鯉問陽侯○蘇子瞻中秋看潮五絕定知玉兔十分圓已作霜風九月寒寄語重門休上鑰夜潮雷向月中看萬人鼓譟懾吾儂猶似浮江老阿童欲識潮頭高幾許越山渾在浪花中江邊身世兩悠悠久與滄波共白頭造物亦知人易老故教江水向西流吳兒生長狎濤淵冒利輕生不自憐東海若知明主意應教波浪變桑田江神河伯兩醯鷄海若東

來氣吐霓安得大差水犀手三千強弩射潮低
○觀潮南歌子詞二首海上乘槎侶僊人萼綠
華飛昇元不用丹砂住在潮頭來處渺天涯雷
輓夫差國雲翻海若家坐中安得弄琴牙寫取
餘聲歸向水僊誇○萼萼中秋過蕭蕭兩鬢華
寓身化世一塵沙笑看潮來潮去了生涯方士
三山路漁人一葉家早知身世兩聲牙好伴騎
鯨公子賦雄誇○又瑞鷓鴣詞碧山影裏小紅
旗儂是江南踏浪兒拍手欲嘲山簡醉齊聲筆
唱浪婆詞西興渡口帆初落渙浦山頭日未收

儂欲送潮歌底曲樽前還唱使君詩○又江
子詞鳳凰山下雨初晴水風清晚霞明一朵芙蓉
開過尚盈盈何處飛來雙白鷺如有意慕娉
婷忽聞江上弄哀箏苦含情遣誰聽烟斂雲收
依約是湘靈欲待曲終尋問取人不見數峰青
○齊祖之觀潮詩何意滔天苦作威狂駈海若
走馮夷因看平地波翻起知是滄浪鳴沸時初
似長平萬瓦震忽如圓嶠六鼇移直應待得澄
如練會有安流往濟時○仇仁近詩一痕初見
海門生頃刻長驅作怒聲萬馬突圍天鼓碎六

西河志卷之二十四
十一
泰新刊
鼇翻背雪山傾遠朝魏闕心猶在直上嚴灘勢
始平寄語吳兒休踏浪天吳罔象正縱橫○張
光弼次員廷塔韻詩世代消沉是此聲幾回東
下復西傾翻騰日月迷朝夕簸蕩魚龍定死生
啣石每憐精衛小投膠未見濁河清眼前波浪
猶如此莫向蓬山頂上行○錢思復八月十五
日同友人登樓看潮分韻得如字詩白馬濤頭
駕素車至今猶自詫靈胥千年元氣淋漓後八
月長風震盪初頽鬼盈虛端不爽神龍變化竟
何如須臾落日江明練東逝滔滔泄尾閭

瀕江之人好踏浪翻波名曰弄潮宋治平中郡守
蔡襄作戒弄潮文斗牛之分吳越之中惟江濤
之最雄乘秋風而益怒乃其俗習于此觀游厥
有善泅之徒競作弄潮之戲以父母所生之遺
體投魚龍不測之深淵自爲矜夸時或沉溺精
鬼永淪于泉下妻孥望哭于水濱生也有涯蓋
終于天命死而不吊重棄于人倫推予不忍之
心伸爾無窮之戒所有今年觀潮並依常例其
軍人百姓輒敢弄潮必行科罰

觀潮之戲惟宋時獨盛其詳已載偏安佚豫志中

當時有繪爲圖者楊廉夫題之詩云八月十八
睡龍死海龜夜食羅刹水須臾海壁龕楮門地
捲銀龍薄于紙艮山移來入于宮宮前一箭隨
西風劫灰欲洗蛇鬼穴憂留折鐵猶爭雄望海
樓頭誇景好斷鼉已走金銀島天吳一夜海水
移馬蹠沙田食沙草厓山樓船歸不歸七歲呱
呱啼軹道○張憲題詩云磁州夜走泥馬駒臥
牛城中生綠蕪炎精炯炯照吳會大築錢唐作
汴都王殿珠樓連翠閣七寶簾櫳敞雲幕坐移
艮嶽過江南不數東京舊歡樂茂樹盤盤迷綠

雲龍飛鳳舞峰巒奔玉帛下壓大江小海水正
入東華門木犀花開秋可數統統靈鼉震天鼓
海門一線截江來雪壁似城盡飛舞吳商楚估
千萬艘黃龍戰船頭尾直豈無海道走中土長
驅逐北除腥臊烟霧蒼蒼遠城郭屋瓦魚鱗互
參錯百萬驕民事醉醺坐使中原厭羊酪因循
六帝不復讐西風八月凭江樓攢官久飲白骨
恨洪波不洗青衣羞邦基削盡師臣逐軹道人
稀子嬰哭繡胸文脰踏浪兒反首誰能報君辱
廟子沙頭卓人旗天吳縮頸不敢馳行人指塔

話楊璉三十六宮秋草肥

捍江塘築自吳越王蓋江潮爲患自唐已然白樂
天刺郡時嘗禱於神云滔滔大江南國之紀安
波則爲利降流則爲害故我上帝命神司之今
屬潮濤大湧奔激西北水無知也如有憑焉浸
淫郊鄙壞敗廬舍人墜壘溺顛天無辜居易祇
奉璽書興利除害守土守水職與神同是用備
物致誠躬事虔禱庶俾水反歸壑谷遷爲陵上
不騫摧人無蕩祈然未聞有修築之績也梁開
平四年八月錢武肅王始築塘在候潮門通江

門外潮水晝夜衝激版築不就命強弩數
射又致禱于胥山祠仍爲詩一章其末句曰爲
報龍王及水府錢江借取築錢城函鑰置海門
山旣而潮水避錢唐東擊西陵遂造竹絡積巨
石植以大木隄旣成久之乃爲城邑聚落凡今
之平陸皆昔時江也潮水衝突不常隄岍屢壞
大中祥符五年郡守戚綸與兩浙轉運使陳堯
佐申請遣使自京師部埽匠壕寨赴州易柱石
之制雖免水患而衆頗非其變法七年詔江淮
發運使李溥同內供奉官盧守勲復依錢氏制

專其事時水方大溢九年郡守馬亮禱于子胥祠下明日潮爲之却又漲橫沙數里隄遂以成景祐中隄復壞兩浙轉運使張夏作隄十二里置捍江兵士五指揮採石修塘隨損隨治杭人德之作廟隄上今昭覲廟是也慶曆初六月大風驅潮堤再壞郡守楊偕轉運使田瑜協力築隄二千二百丈丁寶臣作記紹興十年以轉運副使張匯之請招填捍江軍額二十二年吏部尚書林文僊建言乞選諳曉之士專置一司詢故老究利病脈絡而後興工且言羅刹江濱舊

有吳王英烈王廟燼于回祿乞靈無地乞付有司營葺從之自是百餘年間屢修屢壞嘉熙戊戌秋潮由海門擣月塘頓日股月削民廬僧舍圯者四十里己亥六月詔趙與權除端明殿學士知臨安任責修築與權奏先于傍近築土塘爲救急之術然後于內築石塘又奏近觀潮勢忽睹異物非龍非魚什伍鼓鬣揚鬣欲望奏告上帝以施強弩火炮以絕其妖又奏日役殿步司官兵五百餘人并募夫工及修江司軍兵三千餘人貼立石倉夾植椿笆版木畫

夜運上填築白水陸寺之下江家橋之上近江
港口築壩南北長一百五十丈自團圍頭石塘
近江築擦水塘長六百丈自六和塔以東一帶
石隄添新補廢四百餘丈越三月畢工水復其
故 皇明成化八年八月九月江潮太溢塘壞
特甚 勅差工部侍郎李顥整築始復其舊
月輪山六和塔開化寺

月輪山在龍山南形圓如月其高聳者為月輪峰
宋時張君房為錢唐令夜宿月輪山寺僧報曰
桂子下塔遽起望之紛如烟霧回旋成穗散墜

如牽牛子黃白相間咀之無味

六和塔在月輪峰傍宋開寶二年智覺禪師建先
是梁開平五年錢王於仁王廢院掘地得大錢
以為瑞應因建大錢寺設寶幢二座于寺門入
宋寺廢禪師乃即錢氏南果園建塔以鎮江潮
高九級五十餘文撐空兀突跨陸俯川海船夜
泛者以塔燈為指南焉宣和中燬于方臘之亂
紹興二十二年僧智曇募緣重建七級而止塔
中有湯思退等彙寫佛說二十四章李伯時石
刻觀音像嘉靖三年燬塔下為龍山渡魚山渡

隔峴剎中地出歷歷可數塔之北爲毛湫峪宋
紹興間塔處靈勛記略云浙江介于吳越一書
一夜濤頭自海上而上者再疾擊而遠馳虎駭而
龍怒猛如山之歛如電轉掠隄突峴摧陷田廬
爲臨安患久矣冥冥中若有神物典司其事錢
氏有吳越時曾以萬弩射潮頭終不能卻其勢
後有僧智覺禪師延壽同僧統贊寧創建斯塔
用以爲鎮自是潮習故道居民德之宣和三年
塔寺俱燬赤地無遺而潮復爲患紹興壬申天
子憂之思所以制其害者在廷之臣首以復興

斯塔爲請詔賜可下有司計度庀工治材守臣
擇可主持斯事者得僧智曇諭以詔旨曇口諾
心然願以身任不煩官府乃勤渠化募而和義
郡王楊存中居士董仲永首倡捐貲于是蓮社
樂施雲臻霧集雖遠在他路亦荷檐而來自癸
酉仲春鳩工至癸未之春五層告成是年歲晚
則七級就緒巍然揭立光動山海環壁刻金剛
經及塑五十三善知識備盡莊嚴凡所以鎮靜
山川護持法界調伏魔境者莫不闕而存焉塔
興之初土石未及百竇而潮勢已殺旣成之後

化爲安流而瀕江之民恬不驚悸此則塔之爲
功而智曇之植福也○白廷玉同陳大博諸公
同登六和塔詩云龍山古化城浮屠峙其巔開
殿生妙香金碧森具筵應真儼若生倒飛青金
蓮頭陀紺林叢導我丹梯緣初猶藉佛日闕境
儵已玄回頭失誰何叫嘯衣相牽且復忍須臾
當見快意天嬌兒詫先登網戶相鈞連燭若蟻
在珠九曲隨盤旋爛爛滄海開落落雲氣懸群
峰可俯拾背閱黃鶴騫奇觀興懦夫便欲凌飛
僊絕頂按坤維始見南紀偏神京渺何許王氣

須停蹕舟車禁百蠻島嶼通人烟一爲帝王州
氣壓三大千剛風灑毛髮鐸語空蟬聯紅紅杏
花園媿乏慈恩漏○張仲舉登塔詩云江上浮
屠快一登望中烟火是西興日生滄海橫流外
人立青冥最上層潮落遠沙羣下鴈樹欹高壁
獨巢鷹百年等是豪華盡怕聽興亡懶問僧
開化寺卽塔院也宋隆興二年建嘉靖十二年與
塔俱火傍有金魚池噴月泉持正泉秀江亭鐵
井欄刻八卦以鎮水怪僧仲殊登秀江亭南柯
子詞云金甃蟠龍尾蓮開舞鳳頭涼生官殿不

因秋門外莫尋塵世捲地江流霽色澄千里潮
聲帶兩州月華清汎浪花浮今夜蓬萊歸夢十
二瓊樓○塔傍舊有真聖觀寶慶二年建有真
武像理宗御贊歐陽永叔小草秋聲賦歸鴈亭
詩石刻今廢

秦望山羅刹石

秦望山去城南一十二里高一百六十丈相傳秦
始皇東游江滸欲度會稽登山而望故名秦望
後唐同光中錢氏于秦望山建上清宮有巨石
二十餘株自然成行名曰金洞門

羅刹石在山之東南橫截江濤海舶經此多爲風
浪擊覆唐時郡守每歲仲秋既望迎潮設祭則
樂工歌舞其上李建勳詩云何年遺禹鑿半里
大江中白居易詩筮空石面名羅刹歷捺潮頭
敵子胥後改名鎮江石五代開平中爲潮沙漲
沒

五雲山真際院尚書胡公墓

五雲山去城南二十里高數百丈周十五里五峰
森列駕軼雲霞盤曲而上凡七十二灣俯視南
北兩峰若雙錐朋之長江帶繞西湖鑑開帆檣

擾擾烟霧間若鷗鳧出没上有天井大旱不枯
宋時勿歲牘前寺僧必捧雪表進黎明入城中
霰猶未集蓋其地特高寒云○錢思復登五雲
山詩普覺遺衣久不傳五雲故色尚蒼然斷崖
蘿薜三千丈喬木風霜四百年龍井雨深泉獨
響渙村潮上月初圓寶坊金碧紅塵聚何似茲
山更絕緣

真際院梁時普覺禪師結菴天福中賜額真際九
月遊人最盛

尚書胡公墓在排山塢公名世寧字永清仁和人

仕至太子太保兵部尚書薨嘉靖十年勅葬于
此

定山風水洞浮山

定山高七十五丈周七里一百步突出江中風濤
至此輒抑聲過此則雷吼霆擊矣其西兩峰壁
立名曰龍門上有龍潭能興雲雨宋時春秋習
水戰于此有將壇存焉下有浮嶼潭深聚魚對
岍爲渙浦謝靈運詩所謂宵濟渙浦潭者是也
○沈約早發定山詩夙齡夢遠壑晚蒞見奇山
標峰綵虹外置額白雲間傾壁勿斜豎絕頂復

孤圓歸海流漫漫出浦水濺濺野棠開未落山
櫻發欲燃忘歸屬蘭杜懷祿寄芳荃眷言採三
秀徘徊望九僊○仙思復定山十咏定山曉行
云前峰月吐五更初空翠沾衣積雨餘溪火夜
明經略約澗雲秋重負蘧條篠林虎與人爭鬪
茅屋鷄催客趣虛不似關山行役者勞勞服賈
遠牽車朱梁夜泊云長虹下飲逆流渾雪色沙
寒石鬪喧晚飯鐘催隣驛寺宵渙燈映並山村
月明欲解江靈語風橫難招賈客魂忽憶楓橋
曾繫纜一篷烟雨夢吳門六和觀月云招提高

占月輪峰樓閣清虛十二重秋憶天香飄古桂
冷疑巖雪落長空池光照夜明金鯽塔影橫江
臥王龍聞道廣寒從此往竹房開處約飛筇五
雲賞雪云獻瑞名山自管聞化人臺殿雜金銀
樹靈尚吐三花秀雲凝全消五色文鳥絕空江
知棹泊鹿迷深徑待樵分興來更上高寒處此
境應無蕭使君龍門曉雨云神龜峭壁聳雙扉
雨挾腥風下翠微黑入太陰迷爽氣白翻叢薄
散朝霏螺橫雜樹應藏景蛟吐痴雲未霽威回
首他山新似沐谷樓時攬女蘿衣渙浦春潮云

江漲夜來高幾尋輕濤拍嶼失蹄泔遲明帆發
星灘遠盡日舟橫雨渡深杜若風回頰鯉上樵
花浪起白鷗沉楚人艇子來何許欸乃時聞空
外音風水二洞云空穴風來自吸噓垂巖出水
六渠渠天門此際通閩國海眼何年泄尾閭隱
者難招應化鶴飛僊可袂更乘魚留題太守懷
蘇白好事今無五馬車鳳凰雙髻云鳳來天目
憇東南瓊樹巢空百鳥慙千仞翱翔秋縮髻兩
髦髮鬢暮栖嵐誰嘲風落烏紗帽自俗山爲碧
玉簪僊女洗頭休望嶽相期旣憤對虛談浮嶼

藏奩云潭色空澄島影孤潛鱗時出逐天吳浪
吞泗磬秋浮土月照驪龍夜吐珠萬騎西來疑
灑灑扁舟東去想陶朱沒淵每笑窮漁者何處
烟波覓釣徒浙江耀武云年年江上習舟師故
事相傳劫火池春日樓船觀晉將秋風弓弩學
吳兒素車白馬迎旗隼紫鳳玄夷畏虎貌日暮
元戎細柳散花洲畔凱歌時

風水洞在楊村慈巖院側舊名恩德洞上洞立夏
清風自生立秋則止下洞流水潺潺大旱不涸
洞中石子紅點如丹持出即隱置于內如故○

白樂天詩云雲水埋藏恩德淵簪裾束縛使君
身暫來不宿歸州去應被山呼作俗人○蘇子
瞻往富陽新城李節推先行三日留風水洞見
待詩云春山礫礫鳴春禽此間不可無我吟路
長漫漫傍江浦此間不可無君語金鯽池邊不
見君追君直過定山村路人皆言君未遠騎馬
少年清且婉風煙水穴舊聞名只隔山溪夜不
行溪橋曉溜浮梅萼知君繫馬巖花落出行三
日尚逶遲妻孥怪罵歸何時世上小兒誇疾走
如君相待今安有

浮山在城南四十里蘇子瞻守杭日乞開石門河
狀云按史記秦始皇帝三十六年東游至錢唐
臨浙江水波惡乃西百二十里從狹中渡始皇
帝以天下之力殫其意之所欲出赭山橋海無
難而獨畏浙江水波惡不敢徑渡以此知錢唐
江天下之險無出其右者臣嘗通守此邦今又
忝郡寄二十年間親見覆溺無數自温台明越
往來者皆由西興徑渡不涉浮山之險時有覆
舟然尚稀少自衢睦處婺宣歙饒信及福建路
八州往來者皆出入龍山沿浙皆江江水灘淺

必乘潮而行潮自海門東來勢若雷霆而浮山
峙于江中與渙浦諸山相望犬牙錯入以亂潮
水洄洑激射其怒自停沙磧轉移狀如鬼神往
徃于淵潭中湧出陵阜十數里旦夕之間又復
失去雖舟師泅人不能前知其深淺以故公私
坐視覆溺無如之何臣相視地形訪問父老自
浙江上流地名石門並山而東鑿為運河引浙
江及谿谷諸水凡二十二里有奇以達于江又
並江為岍度潮水所向則用石所不向則用竹
木凡八里有奇以達于龍山之大慈浦自大慈

浦北折抵小嶺下鑿嶺六十五丈以達于嶺東
之古河因古河稍加浚治東南行四里有奇以
達于今龍山之運河以避浮山之嶮則浙民幸
甚觀此則浮山之險自古為然蓋潮入海門分
為兩派東派沿捍江塘向富春西派直射浮山
怒激而回諺稱回頭浪者是也

法為長其次法行坐蓮者論罪自是每歲三
月三日本寺戒壇海經亦雲集而民間好
善者亦皆皈無說佛法設法座推其能通
經典戒行高者升座其是戒僧徒俯聽
或參究疑難問條解授戒牒一紙其文云佛
法三藏以經為首三學以戒為先戒者寔三寶之
舟航衆聖之街衢也論其行相則有二百五十之
殊究其威儀則有三千八萬之別佛佛相授祖祖
相傳持之則為三乘證聖之基犯之則為六道沉
淪之本三世諸佛因此戒而證涅槃一切菩薩由

上命而為之而登壇授戒嗣其傳者非出部割故
有真戒壇假宗師之說 皇祖立法無非化民

為余之盛意近來逆祀往往敗羣以致官府崇禁
非立法本旨也洪武五年正月十七日 皇祖

宣諭衆僧云你和尚每出那城郭山林村落中將
釋迦佛明經教典說化他一方人民習
善不來犯王法也家人為我 國家添力

氣也洪武十一年宣諭

衆僧云如今宣諭

經金剛經楞伽宣諭



